



Broj: 06-1-07-1-726/18
Sarajevo, 07.12.2018. godine

Na osnovu člana 2.9 stav (1) tačka 9, a u vezi sa članom 9.12 g Izbornog zakona Bosne i Hercegovine ("Službeni glasnik Bosne i Hercegovine" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i članom 16. Uputstva o postupku provođenja posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br: 38/14, 90/16 i 8/17), Centralna izborna komisija Bosne i Hercegovine je na 94. sjednici, održanoj 07.12.2018. godine, donijela

O D L U K U

o utvrđivanju rezultata posrednih izbora i dodjeli mandata delegatima u Domu naroda Parlamentarne skupštine Bosne i Hercegovine iz Republike Srpske

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamentarne skupštine Bosne i Hercegovine iz Republike Srpske, kako slijedi:

- a) Kandidatska lista **Srpske demokratske stranke** osvojila je **14 glasova- jedan (1) mandat,**
- b) Kandidatska lista poslanika **Radovana Viškovića** osvojila je **14 glasova- jedan (1) mandat,**
- c) Kandidatska lista poslanika **Žunić Igora** osvojila je **14 glasova- jedan (1) mandat,**
- d) Kandidatska lista poslanika **Srđana Mazalice** dobila je **12 glasova- jedan (1) mandat,**
- e) Kandidatska lista poslanika **Dušice Šolaja** osvojila je **12 glasova- jedan (1) mandat,**
- f) Kandidatska lista **PDP RS – Mladen Ivanić** osvojila je **9 glasova,**
- g) Kandidatska lista **Socijalističke partije** osvojila je **7 glasova, i**
- h) Kandidatska lista poslanika **Banjac Darka** nije dobila nijedan glas.

(2) Centralna izborna komisija Bosne i Hercegovine dodjeljuje mandate u Domu naroda Parlamentarne skupštine Bosne i Hercegovine iz Republike Srpske delegatima:

- a) **Bosić Mladen,**
- b) **Nikola Špirić,**
- c) **Sredoje Nović,**
- d) **Dušanka Majkić,**
- e) **Lazar Prodanović.**

O b r a z l o ž e n j e

Narodna skupština Republike Srpske je dana 06.12.2018. godine Centralnoj izbornoj komisiji Bosne i Hercegovine dostavila akt broj: 02/4.01-1-1964/18 od 05.12.2018. godine, te u prilogu istog cjelokupan izborni materijal u vezi sa provedenim posrednim izborima za Dom naroda Parlamentarne skupštine Bosne i Hercegovine iz Republike Srpske, koji čine: Izvještaj o izboru delegata iz Republike Srpske u Dom naroda Parlamentarne skupštine Bosne i Hercegovine broj: 02/4.01-1-1958/18 od 05.12.2018. godine, birački spisak za izbor delegata iz reda srpskog naroda u Dom naroda Parlamentarne skupštine Bosne i Hercegovine i glasački

listići sa izbora delegata iz Republike Srpske u Dom naroda Parlamentarne skupštine Bosne i Hercegovine.

U skladu sa članom 9.12a stav (4) Izbornog zakona Bosne i Hercegovine, delegate u Dom naroda Parlamentarne skupštine BiH (pet Srba) iz Republike Srpske bira Narodna skupština Republike Srpske.

Odredbama člana 9.12f Izbornog zakona BiH propisano je da svaki poslanik u Narodnoj skupštini Republike Srpske daje jedan glas za listu kandidata za izbor delegata u Dom naroda Parlamentarne skupštine BiH iz Republike Srpske.

Nakon provedenog tajnog glasanja, izborni materijal i rezultati glasanja iz člana 9.12f Izbornog zakona BiH dostavljaju se Centralnoj izbornoj komisiji BiH na utvrđivanje i potvrđivanje rezultata u skladu sa članom 2.9 Izbornog zakona BiH i konačnu raspodjelu mandata u skladu sa članom 9.5 Izbornog zakona BiH.

Mandati se raspodjeljuju jedan po jedan po listama, u skladu sa članom 9.5 Izbornog zakona BiH. Osvojeni mandati dodjeljuju se prema njihovom redoslijedu na listi.

Uvidom u dostavljeni materijal o provedenim posrednim izborima za Dom naroda Parlamentarne skupštine BiH, utvrđeno je da su svi poslanici glasali, te da je jedan (1) glasački listić bio nevažeći (neoznačen).

Rezultati glasanja su sljedeći:

- a) Kandidatska lista **Srpske demokratske stranke** dobila je **14 glasa**,
- b) Kandidatska lista poslanika **Radovana Viškovića** dobila je **14 glasova**,
- c) Kandidatska lista poslanika **Žunić Igora** dobila je **14 glasova**,
- d) Kandidatska lista poslanika **Srđana Mazalice** dobila je **12 glasova**,
- e) Kandidatska lista poslanika **Dušice Šolaja** dobila je **12 glasova**,
- f) Kandidatska lista **PDP RS – Mladen Ivanić** dobila je **9 glasova**,
- g) Kandidatska lista **Socijalističke partije** dobila je **7 glasova**, i
- h) Kandidatska lista poslanika **Banjac Darka** nije dobila nijedan glas.


Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamentarne skupštine BiH iz Republike Srpske, Centralna izborna komisija Bosne i Hercegovine je u skladu sa članom 2.9 stav (1) tačka 9, a u vezi sa članom 9.12 g Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Dostavljeno:

1. Narodna skupština Republike Srpske
2. a/a



Predsjednik

Branko Petrić